

ԱՄՆԻ ԿՈՆԳՐԷՍԻ ՆԵՐԿԱՅԱՑՈՒՑԻՉԸ ԿԻՐՈՎԱԿԱՆՈՒՄ

ԱՄՆԻ Կոնգրեսի ներկայացուցիչ Բարբարա Բաֆսըրը, որը Կոնգրեսի Մարդու Իրաւունքների յանձնաժողովի անդամ է, Հ.Յ.Դ. Միացեալ Նահանգների Արեւմտեան շրջանի Հայ Դատի կենտրոնական յանձնախմբի նախաձեռնութեամբ այցելել է Հայաստան:

Սեպտեմբերի 1ին տիկին Բաֆսըրը եղաւ Կիրովականում: Նրան ուղեկցում էին ԱՄՆԻ Արեւմտեան շրջանի Հայ Դատի յանձնախմբի ներկայացուցիչ ընկ. Վահագն Պետրոսեանը, ԱՄՆԻ Սախարովի անուան Մարդու Իրաւունքների յանձնախմբի ներկայացուցիչ պրն. Դեյվիդ Լեպպոլդը, «Ասոշիէյթըտ Փրէս» գործակալութեան թղթակից պրն. Մորտեն Ռոզեմբլամը եւ Աւետարանա-

կան եկեղեցու երկու ներկայացուցիչներ:

Նրանց դիմաւորեցին Հ.Յ.Դ. Կիրովականի կազմակերպութեան ներկայացուցիչ ընկ. Է. Ղարազեանը, ՀՕՄԻ Կիրովականի ներկայացուցիչ Մ. Գալայջեանը, ՀՕՍԻ ներկայացուցիչ Ս. Մաքեուսեանը:

Հ. Յ. Դ. Մամոյ եւ Տեղեկատու Գրասենեակում տիկին Բ. Բաֆսըրը հանդիպեց Կիրովականում հանգըրուանաձ աղբբջանահայ փախըստականներին, նրանցից լսեց ճշմարտացի պատմութիւնն այն արհաւիրքի, որը կատարուեց հայերի հետ՝ Աղբբջանի տարածում:

Ստորեւ ներկայացնում ենք նրա տպատրութիւնները, որ նա ուղարկել է Ամերիկա:

Կիրովականի քաղաքապետի ձեռքերը լիքն են, շատ լիքը

Այս 175000անոց քաղաքը շատ է տուժուել 1988ի երկրաշարժից: 400 ընտանիքներ տակաւին մնում են անպատսպար: Ընտանիքների մեծ մասը ապրում է շէնքերի մէջ, որոնք դեռեւս կան - գուն են, բայց շատ տկար - թեկնածու են յաջորդ ողբերգութեան: Աղբբջանական հանրապետութիւնից փախստականներ լցում են Կիրովական՝ խուսափելով անպատմելի հալածանքից եւ ապրում են գաղթականներում, իրենց կեանքի ամբողջ կուտակածը յետեւում բողած: Եւ ապա, կայ դէպի դրամատիրութիւն անցումը, որով քաղաքապետը շատ խանդավառ է, բայց միաժամանակ ընդունում է, թէ չունի մի յստակ ծրագիր:

Դրանց վրայ հարկ է գումարել այն, որ Կիրովականի քաղաքապետը շուտով պիտի կորցնի Կիրովականի քաղաքապետի պաշտօնը. ոչ այն պատճառով, որ ժողովուրդը չի սիրում իրեն - ընդհակառակը, այլ որովհետեւ ժողովուրդը ուզում է քաղաքի անունը փոխել: Կիրովականը կոչուել է մի բուլշեւիկի - Կիրովի - անուամբ, որը Լենինի կողմին էր յեղափոխութեան ընթացքում: Ստալինը արժեզրկել էր նրան, բայց խրուչչովի օրով նա վերարժեւորուել էր: Ոչ եւս: Ինչպէս որ երեւանում երեք ամիս առաջ Լենինի արձանը վայր բերուեց, այնպէս էլ Կիրովն է լինելու: Քաղաքը բուլարկելու է մի նոր անուան համար:

Հայերը հպարտ են նրանով, որ իրենք սկսել են համայնավարութիւնը ջնջել յեղաշրջումից երեք ամիս առաջ: Նրանք մի ջերմ եւ շնորհալի ժողովուրդ են, որոնք ունեն ահագին հպարտութիւն եւ ներքին ուժականութիւն: Նրանք նաեւ շատ են տանջուել իրենց պատմութեան ընթացքում - յատկապէս Օսմանեան կայսրութեան օրով, որը իշխում էր Թուրքիայում: Հարիւր հազարաւորներ ըսպանուել էին: Նրանք ապրել են ցեղասպանութեան փորձառութիւնը:

Դժբախտաբար, հայերի նրկատմամբ մարդկային իրաւանց

բռնաբարումները շարունակում են Աղբբջանում:

Սախարով հիմնարկից մի մարդու եւ Ասոշիէյթըտ Փրէսից մի թղթակցի հետ, եւ Կիրովականում լսեցի իրենց պատմութիւններից մի քանիսը:

«Երեսուն դիմակաւորուած մարդիկ խուժեցին իմ տունը, հըրազէնները մեր վրայ ուղղած, - ասաց մի 55ամեայ կին: - Իմ երեք զաւակները եւ հարսները այդտեղ էին եւ մենք շատ վախեցանք: Նրանք մեզ ասացին, որ դուրս գանք իրենց երկրից: Տանս մէջ ամեն ինչ կոտորեցին: Փախուստ տուինք՝ ոչինչ չվերցնելով եւ երբեք յետ չենք գնալու»:

Բազմաթիւ ընտանիքներ նկարագրեցին այն ինչ կոչում են «պոգրոմներ» - մի բառ, որը լրսել էի իմ մանկութեան. զինեալների շրջուն խմբեր, որոնք կրակում են, բռնաբարում եւ սարսափեցնում բնակչութեանը:

Արդէն իսկ 200000 հայեր, որոնք ապրում էին Աղբբջանում հարիւրաւոր եւ հարիւրաւոր տարիներ, ստիպուած են եղել դուրս գալու 1988ից ի վեր:

Արդեօք ձայնողուած յեղաշրջումը լաւացնելու է, թէ վատացնելու Աղբբջանում ապրող հայերի դրութիւնը: Դժուար է ասել: Շատեր ասացին, թէ յեղաշրջման դրդիչները նոյն անձերն են, ովքեր բոյլատրել են հայերի նկատմամբ բռնութիւնները Աղբբջանում: Ուրիշներն ասացին, թէ առնուազն «անկախ» մէկը կայ, ում կարող են դիմել, որքան ալ տկար:

Հաւատում եմ, որ շատ լուրջ բռնութիւններ կարող են տեղի ունենալ երբեւէ, եւ այդ պատճառով առաջարկեցի ՄԱԿի ուժեր բերել Ղարաբաղ: Մի հայ մարդ ասաց. «թող Աստուած լսի ձեր խօսքը»:

Ամբողջ զրգոտութեամբ ու ժողովրդավարութեան խոստումներով հանդերձ, մարդկային իրաւանց բռնաբարումները շարունակում են: Խորհրդային բոլոր հանրապետութիւնները պետք է սովորեն. կարելի չէ իսկական ժողովրդավարութիւն ունենալ, եթէ մարդկային իրաւունքները չեն յարգուած ամեն մարդու համար: